

摘藻堂四庫全書薈要

集部

欽定四庫全書叢要

集部

宛陵集卷

十五
十二

詳校官助教臣常循



欽定四庫全書薈要卷一萬四千四百五十

集部

宛陵集卷十

宋 梅堯臣 撰

臧子文剡縣主簿

剡水無淺深歷歷能見底潛鱗莫見窺塵紱聊堪洗古木潭上陰遺祠巖下啓應識道傍碑因風奠醪醴

余令之會稽新昌

越舸將渡西陵時臘雪欲作陰雲垂古岸潮迴夜水閣

冰上鯉魚紅尾髻知君奉親聊自得窮冬涉險仍熙熙
縣民但可觀此意休羨江邊孝女碑

傳神悅躬上人

握中一寸毫寶匣百鍊金鑑貌不鑑道寫形寧寫心古
人固不識今人或所欽依然見其質儼爾恨無音子誠
丹青妙巧奪造化深妍媸必盡得幻妄恐交侵

文曜師之南徐

班班上川羽薄暮未安巢擾擾方外士歲晏遊遠郊正

值風霜急晚冰隨處敲何時居巖下都把塵事拋

茂芝上人歸姑蘇

身衣竺乾服手援犧氏琴繁聲不願奏古意一何深晏
景託孤艇倦飛還舊林闔閭城下寺幾里認鍾音

唐寺丞知南雄州

前林尚舍凍南國使君行逆水春風峭孤舟挂席輕踏
訶聞舊俗信鬼有顏氓當識朱衣貴壺漿擁道迎

依韻和孫秀才朱長官見寄

古來富貴蹈危機樂性安貧莫謂非未及功名蒼鬢改
欲從踈懶五湖歸昔年同志逢時盡今日相親似子稀
犀僕忽辭雲海上遠持雙璧扣吾扉

謝尉西歸

曾為洛陽客喜見洛陽人每憶舊遊處相逢借問頻當
時伊水上醉弄巖花春而今絕茲樂欲語已酸辛明朝
君當去又復與誰親唯應有素月相照寒溪濱

陳浩赴福州幕

梅殘杏將坼楊柳都未堪欲贈無所贈春風吹酒酣遠
山猶帶雪野水已如藍羽檄不應有詩書自可耽

示沈生

稚子每多疾始與藥物親由茲沈生跡遂厯吾門頻我
居無鳥鼠乃知屋室貧舉世競趨利爾非閭井人

和潘叔治早春遊何山

泛泛寒溪流縈紆向山去淺石長蒲葦朝煙暖巖樹捨
舟當禪扉踏蘚污野屨誰愛鮑叅軍登臨多秀句

張法曹歸闕

海底日未上屋頭羣雀喧晨興溪館迫坐聽櫓聲煩出
戶望行舸羨心如野猿暮春余亦去為見故人言

送張叔展北歸

江南春候早水暖野芹生北客欲歸日故人持贈行莫
嫌為物薄言采幽蘭并休惜臨流醉高帆去掉輕

依韻和叔治晚春梅花

楚人住處將為援越使傳時合有詩常是臘前混雪色

却驚春半見瓊姿
笛吹遠曲還多怨
風送清香似可期
我欲細看持在手
誰能為折向南枝

僧元復院枕流軒

寺外寒流駛開軒
靜者棲淺深看藻荇
出沒愛鳬鷺一
悟此中趣萬緣皆可齊
誰來驚節物岸木長春萸

惱儂

期我以踏青花間
儻相遇果然南陌頭
翩若驚鴻度不
語強躊躇羞人映芳樹
兩心常自憐兩目空相注
依依

不得親薄暮還愁去記取似丹葩知開在何處

相逢

晚日南城歸橋邊見郎去遠遠逐郎迴羅衣汗微污不
惜污羅衣要與郎相顧留連芳苑中肯謝花天嬖傍欄
思晤言羞畏情誰諭草草各還家幽懷是飛絮

牆烏

牆頭飛去烏夜夜啼聲碎猶不如水禽雙棲向煙外煙
外少分張渚間多驚薈薈休同八九子反哺人誰愛

過華亭

晴雲皞鶴幾千隻
隔水野梅三四株
欲問陸機當日宅
而今何處不荒蕪

月暈

月暈已知風
燈花先作喜
明日挂帆歸
春湖能幾里

逢謝師直

昔歲南陽道中別
今向華亭水上逢
把酒語君悲且喜
流光冉冉去無蹤

迴自青龍呈謝師直

共君相別三四年巖巖瘦骨還依然唯髭比舊多且黑
學術久已不可肩嗟余老大無所用白髮冉冉將侵顛
文章自是與時背妻餓兒啼無一錢幸得詩書銷白日
豈顧富貴摩青天而今飲酒亦復少未及再酌腸如煎
前夕與君歡且飲飲纔數盞我已眠雞鳴犬吠似聒耳
舉頭屋室皆左旋起來整巾不稱意挂帆直走滄海邊
便欲騎鯨去萬里列缺不借霹靂鞭氣沮心衰計欲睡

夢想先到蘋渚前與君無復更留醉醉死誰能如謫僊
青龍海上觀潮

百川倒蹙水欲立不久却迴如鼻吸老魚無守隨上下
閣向滄洲空怨泣推鱗伐肉走千艘骨節專車無大及
幾年養此膏血軀一旦翻為漁者給無情之水誰可憑
將作尋常自輕入何時更看弄潮兒頭戴火盆來就濕
社前

欲社先知雨將歸未見花那能長作客夜夜夢還家

水次髑髏

不知誰氏子枯首在沙洲肉化烏鳶腹肢殘波浪頭曾
聞南面樂寧有九原愁厚葬不為貴漢官其登丘

葉大卿挽詞三首

位列名卿重年躋賜几尊臧孫宜有後定國已高門舊
族聲華遠名藩治行存秋風簫吹咽隴隧啓雲根
自古賢才少滔滔豈足云善人安得見清譽久來聞器
隕龍文鼎竟歸馬鬣墳豐碑幾當立籍甚著遺芬

終始為金德生榮沒亦榮里人悲畫翬郡吏拜銘旌石
馬天麟肖松枝國棟成更看追孝意捧土作新塋

湖州寒食陪太守南園宴

寒食二月三月交紅桃破顰柳染梢陰晴不定野雲密
默默鼓聲湖岸坳使君千騎出南園歌吹前導後鳴鐃
是時輒預車馬末傾市競觀民業拋竹亭臨水美可愛
嗑啞草木皆吐苞遊人春服靚粧出笑踏俚歌相與嘲
使君白髮體尤健自晨及暮奏酒肴爾輩少年翻易倦

倚席欠伸誰得教公雖不責以正禮我意未容誠斗筭
逡巡秉燭各分散小人爭路何叟叟

牡丹

洛陽牡丹名品多自謂天下無能過及來江南花亦好
絳紫淺紅如舞娥竹陰水照增顏色春服貼妥裁輕羅
時結游朋去尋玩香吹酒面生紅波粉英不忽付狂蝶
白髮強插成悲歌明年更開余已去風雨摧殘可奈何

惜春三首

九十日春無幾日不堪風雨競吹花舞英逐水向何處
泛泛斜溪伴晚霞

前日看花心未足狂風暴雨忽無憑此身不及深溪水
隨得殘紅出武陵

春色斗空花亦休綠園深鎖更誰遊殘枝遺萼不中看
暮雨霏霏起暗愁

花娘歌

花娘十二能歌舞籍甚聲名居樂府荏苒其間十四年

朝作行雲暮行雨格天氣俊能動人人能動之無幾許
前歲適從江國來時因讌席相微語雖有幽情未得傳
暗結殷勤度寒暑去春送客出東城舟中接膝已心傾
自茲稍稍有期約五月連航並釣行曲堤別浦無人處
始笑鴛鴦浪得名爾後頻逢殊嫵婉各恨從來相見晚
月下花前不暫離暫離已抵銀河遠青鳥傳音日幾迴
雞鳴歸去暮還來經秋度臘無纖失愛極情專易得猜
前時南圃尋芳卉小忿不勝投袂起官私乘釁作威稜

督促倉惶去閭里蕭蕭風雨滿長溪一舸翩然逐流水
忽逢小史向城來泣淚寄言心欲死願郎日日致青雲
妾已長甘在泥滓更悲恩意不得終世事難憑何若此
郎聞茲語痛莫深天地無窮恨無已我今為爾偶成章
便欲緘之託雙鯉

程山人歸歙州

新安固與吾鄉鄰山水清絕殊可擬我今暫來子亦歸
空聽杜鵑雲樹裏

重過南園

誰作此園為宴喜而今樂事已難并
佳人去後門長鎖
蔓草離離上古城

送滕監簿歸寧岳陽

乃翁守西鄙胡騎敢憑陵
撫士無餘貨吏以文結繩
向聞來三堂今復走巴陵
沂流幾千里雲夢苦炎蒸
風檣易陣馬猶使勇氣增
子今遠寄省寄謝余豈能
江山可留詠燕許昔嘗曾

寄題千步院兼示譚上人

郊郭山林有美處，皆為釋子所棲託。
高閒不與時俗侵，寂靜豈唯魚鳥樂。
朝望平田插稻苗，暮看西村收雨脚。
早夏陪知府學士登疊嶂樓。

高陵自可眺，況復更層樓。
峩峩衆山翠，活活寒溪流。
新篁未掃穽，緣險已脩脩。
曲道出林杪，飛宇跨城頭。
春餘衆芳歇，子結纍蔓抽。
庭空野鼠竄，日暝啼禽留。
誰知郡府趣，適有林壑幽。
主人易吾土，惟襲是瀛洲。
伊我去閭。

井爾來三十秋昔望白雲下今從輕軒游

得孫仲方畫美人一軸

駿駒少馴良美女少賢德常聞敗君駕亦以傾人國因
觀壁間畫筆妙仍奇色持歸非奪好來者恐為惑

涂次寄羅道濟

去年五月君到官紅蕖正開湖水寬共酌汀洲不知暮
扣舷月露霑衣寒今年我罷欲歸去朋酒久來無此歡
移舟不忍便為別競挈盃肴情未闌城闌欲閉各分散

溪雲暗淡生悲端
明日抱醒風雨急
野蓮空看寄君難
和潘叔治題劉道士房畫薛稷六鶴圖

啄食

窮年見俛啄但有饑
乏意雖存玉山禾不入丹青啄
因思方朔嘲此豈優諧類

顧步

舉足徒有勢行沙
遂無蹤迴頸誠已久
未知竟何從安
能見儔侶顧望自顯顯

喉天

引吭向層霄聲聞期在耳鼓吻意豈疎知音何已矣安
得九臯同流響入萬里

舞風

如逢僊圃風飄飄奮雙翅拊節余欲助和歌誰爾類但
看矯然姿固於流雪異

警露

孤標近僊壇依約聞墜露儼如舉止揚稍見神爽悟曉

月坐清軒寒添壁間素

理毛

六鶴皆不同初生薛公筆况茲刷羽者奮迅如天質墨
客懷賞心題詩仍我率

留題毗陵潘氏宅假山

人心本好靜世事方擾擾丘壑未去時庭中結山小長
欲見蒼翠何須聽猿鳥有志同尚平當期婚嫁了

觀居寧畫草蟲

古人畫虎鵠尚類狗與鷺今看畫羽蟲形意兩俱足行
者勢若去飛者翻若逐拒者如舉臂鳴者如動腹躍者
趨其股顧者注其目乃知造物靈未抵毫端速毘陵多
畫工圖寫空盈輻寧公實神授坐使羣輩伏草根有纖
意醉墨得已熟權豪不可致節行今仍獨

和穎上人南徐十詠

鐵甕城

漸江以為池增山以為壁鐵甕喻其堅金城非所敵前

朝經喪亂曾是輕鋒鏑覽古一徜徉空聽漁浦笛

北固山

山勢自北來高城倚為固當時偶登臨邇者遂淪誤微
雲思作雨古樹嘗霑露今非恃險艱草木藏狐兔

京口水

江頭潮正平日照土山口坐見遠來舟高帆忽前後將
隨入浦風稍度遙圻柳客無南北虞信是承平久

金山寺

山與衆山殊寺非諸寺擬無面不當江有林皆照水南
冷隔吳會北渡通楊子還看上下帆日日何嘗已

望海樓

嘗聞觀蹄涔詎識海水大浩浩與天同滔滔衆流會平
吞江作練遠瀉河如帶終日郡樓間欲取長鯨鱠

季子廟

信如季子賢自昔知能幾依約有荒祠寂寥無奠篚壞
梁生濕菌古木憑山鬼英靈亘顧茲青史辭疊疊

鶴林寺

松竹暗山門，颼颼給青吹。
傳聞宋高祖，舊宅為茲寺。
地以黑龍升，經因白馬至。
何必問興亡，山川應可記。

夫子篆

季札墓傍碑，古稱尼父篆。
始於春秋義，十字固莫淺。
磨敲任牧童，侵剝因野蘚。
嗟爾後之人，萬言書不顯。

甘露寺

山頭百畝宮，庭下千年樹。
在昔甘露霏，嘗疑神物護。
陰

連殿閣寒聲撼雷霆怒瞻影衛公堂英魂想來去

范公橋

謂公天下才非專一方惠及此作興梁力行無鉅細既
異國僑為將同傳巖濟礮石亘長川寧須伐山桂

邵伯堰下王君玉餞王仲儀赴渭州經畧席上命
賦

未破河西寇朝廷尚有憂淮南命儒帥塞上足封侯莫
擐黃金甲須存百勝謀昔嘗經點虜今去正防秋

悼亡三首

結髮為夫婦于今十七年相看猶不足何況是長捐我
鬢已多白此身寧久全終當與同穴未死淚漣漣

每出身如夢逢人強意多歸來仍寂寞欲語向誰何窻
冷孤螢入宵長一鴈過世間無最苦精爽此銷磨

從來有脩短豈敢問蒼天見盡人間婦無如美且賢譬
令愚者壽何不假其年忍此連城寶沉埋向九泉

淚

平生眼中血日夜自涓涓瀉出愁腸苦深於浸沸泉紅
顏將洗盡白髮亦根連此恨古皆有不須愚與賢

秋日舟中有感

天乎余困甚失偶淚滂沱世事隨時遠秋風順水多鰥
魚空戀穴獨鳥未離柯歲月都無幾存亡可柰何兒嬌
從自哭婢騃不能呵已覺愁容改休將舊鑑磨弊衣留
暗垢殘藥恨沉疴斗厭驅驅役終期老薜蘿

書哀

天既喪我妻又復喪我子兩眼雖未枯片心將欲死雨
落入地中珠沉入海底赴海可見珠掘地可見水唯人
歸泉下萬古知己矣拊膺當問誰憔悴鑑中鬼

宛陵集卷十

欽定四庫全書薈要卷一萬四千四百五十一

集部

宛陵集卷十一

宋 梅堯臣 撰

謁雙廟

八月過宋都泊舟雙廟側永懷此忠良遺烈傳碑刻五
位儼朝裾千年同血食當時多苟生貴爵曾誰識縱今
有丘墳都已荒荊棘古人非輕死於義實罕得英骨化
埃塵令名同鳥翼飛翔出後世景慕無終極豈若目前

榮未沒聲已息西登孝王城王氣由邦國

送弟禹臣赴官江南

昔與子同歸夜向瓜洲泊持杯月正清
遙水平如削爾來蘆岸深須防虎潛搏
行行無朋友遇事自斟酌

和永叔晉祠詩

并州古來稱近胡山雄氣壯民足儲
山根晉水發源處平若皎鑑潛決䟽
漸流漸急不可測以至瀧瀧鳴清渠
豈惟俯可見毛髮況乃了了看龜魚
下溉平田幾百頃

稻苗秣稂曾不枯興亡莫問隨水遠廟深草樹空扶疎
伊君持節過其下愛此佳趣聊停車北望故城無舊物
泱泱野色連丘墟已向風前聽好鳥只畏落日聞蒼狐
晉人須識漢使美冉冉青髯似綠蒲

得李殿丞端州硯

蛟龍所窟處其石美且堅蠻匠斲為硯漢官求費錢持
歸向都邑爭乞如瓦磚豈識萬里險謬竊好事傳

書謝師厚至

爾來哭爾姑清淚滴塵几一聞在目言不謂今則死而
猶意遠行所念當至止秋風忽助嘯萬木欲摧毀

詠蘇子美庭中千葉菊樹子

生與衆草生不與衆草榮彼皆春爭葩茲獨秋吐英千
葉共一萼百蒂共一莖幽亭聳扶疎獨本非揶揄吾友
蘇子美有酒對自傾香隨青陵蝶色映黃金鶯昨日偶
來過頗興陶令情豈敢復言詩君家有子卿

新冬傷逝呈李殿丞

惡老今逼衰孤寂仍足悲寒風一夜起曩事無不思手
澤在故物默歷非故時夢寐猶平常反寤恨莫追人生
苦情累安得木石為賴有同舍郎相語強解頤

送趙升卿之韶幕

舟車歷盡險風物乃還君俎肉應多味虞韶不復聞林
鳴異音鳥山冒欲晴雲若弔張丞相空祠舊近墳

蘇子美竹軒和王勝之

庭無十步廣有竹纔百箇子時哦其間賓友或來和琴

壺置于傍圖籍亦在左誰憐脩脩影只畏寒日過誰憐
青青枝下有暗葉墮我期霰雪時來聽幽聲卧應當為
設榻勿使賞心剝持以報主人此興不可破

偶書寄蘇子美

君詩壯且奇君筆工復妙二者世共寶一得亦難料我
今或盈軸體逸思益峭有如秋空鷹氣壓城雀鷄又如
飲巨鍾一舉不能酌既酌心已醉顛倒視兩曜吾交有
永叔勁正語多要嘗評吾二人放檢不同調其於文字

間苦硬與惡少雖然趣尚殊握手宰相笑

寄題洪州李氏涵虛閣

耳熟滕閣美未為豫章遊近聞東湖上可見西山頭朝
愛雲氣生暮數鳥行幽主人趣向遠登覽日不休父兄
已三人挂冠此遲留他年儻一往風物詠可周

送蕭秘校

比從江南來又從江南去孤舟隨鴈羣晚泊定何處霜
橙可為蘼水鱠思下筯此興吾不知薄言聊所慕

送李殿丞通判處州

拜官將近親不畏千里險沂流上贛水石亂波驚颭舟
人素已諳曲折就迴閃豈虞失便利倚慣憂亦掩昔余
從平流悸夢尚成魘今逢子方去青紵絲新染沙頭有
堠吏惴立板方歛鴻鴈正來翔競看朱服儼

古劍篇送蔡君謨自諫省出守福唐

生銅夜夜鳴剡鐵未嘗缺主人久提携何事贈離別借
問豈酬恩請看鐔上血休慙補履功出處異施設

雜興

主人有十客共食一鼎珍一客不得食覆鼎傷衆賓雖
云九客沮未足一客嗔古有弑君者羊羹為不均莫以
天下士而比首陽人

送逐客王勝之不及遂至屠兒原

犯霜出國門送客客已去猶意行未遠策馬過寒戍川
長不見人沙沒前岡路始聞雲木深忽逢朱亥墓金鉞
一報恩義烈垂竹素何須文學為寄語長沙傳

送周仲章太博之鉅野

仲月霜氣嚴朝來厚如雪鴻鴈各南飛羽毛將恐折征
途履以足侵骨寒於鐵得罪此為輕君恩大歡悅

鄴中行

武帝初起銅雀臺丕又建閣延七子日日臺上羣鳥饑
戕戕七子宴且喜是時閣嚴人不通雖有層梯誰可履
公幹才俊或欺事平視美人曾不起五官褊急猶且容
意使忿怒如有鬼自茲不得為故人輸作左校濱於死

其餘數子安可存紛然射去如流矢烏烏聲樂臺轉高
各自畢逋誇鼂尾而今撫卷跡已陳唯有漳河舊流水
親郊前三日大慶殿雪中皇帝率羣臣發章聖五

后冊

將郊先奉冊拜立未央庭天表君心孝人驚曉雪零冕
旒紛點綴劍佩濕晶熒曲蓋曾無用羣臣敢自寧鑪煙
靜齋幄井氣凍宮餅明日來壇下中宵已見星

忠上人攜王生古硯誇余云是定州漢祖廟上瓦

為之因作詩以答

硯取漢廟瓦誰恤漢廟隳重古一如此吾今對之悲既
寶若圭璧未知為用時

讀後漢書列傳

漢家誅黨人誰與李杜死死者有范滂其母為之喜喜
死名愈彰生榮同犬豕

異同

吾聞聖賢心不限親與疎義殊目前乖道同異代俱堯

舜及周孔千載趨一途盜跖誚孔氏弟子將黨歟蹠自
驅其衆日念殺不辜河濱捧土人海畔逐臭夫塞川豈
量力同趣即爾徒爾既不自過反以此為紆

蔡仲謀遺鯽魚十六尾余憶在襄城時獲此魚留
以遲歐陽永叔

昔嘗得圓鯽留待故人食今君遠贈之故人大河北欲
膾無庖人欲寄無鳥翼放之已不活烹煮費薪棘

雜擬

忽聞鐵騎渡河水月鬼夜脅陰貂寒獨侍金輿立城角
龍蛇不展繞旗竿

答中上人卷

吹笛皆學龍吹笙皆學鳳又於笙笛間高下不相中得
其精者稀得其麤者衆況於真出音千歲不復夢爾為
學笙歟頗已臻妙弄

送蘇子美

勇為江海行風波曾不懼但欲尋名山扁舟無定處南

有鵬若鴉嶮有石若鋸毒草見人搖短狐逢影怒不遐
尚苦乖更遠饒瘴霧東土乃濱海蜃鼉仍可怖殼物怪
瑣屑羸蜺固無數鹹腥損齒牙日月復易飫二方既若
此往矣無久駐竟當西北來醉耐炙肥豕夏不厭漿酪
冬不厭雉兔勿言專口腹口腹人所務天台信奇偉石
橋非坦步廬岳趣最幽饑腸看瀑布此致雖為高實亦
難久慕君行聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來稚子告有客云將睽始
知君其南復歎我向西豈不懷念慕吾親書新齋曰吾
五男子愛惜無不齊所要立門戶安用同犬雞齷齪守
此客馴馴戀此樓二季留左右足以共挈攜身許遠就
祿幸又奉阿婆今年還都下路喪子與妻囊罄厭外役
進退類藩羝終當改江邑儻得致音題

刁景純將之海陵與二三子送於都門外遂宿舟
中明日留饌贈

人言汴水駛奈何已冬乾蔡雖平且慢臘月行亦難唯
聽夜水合為君愁苦寒暫維青絲紵邀膾白玉盤行人
反飫我於理殊未安所忻能自養不復道加餐

寄洪州致仕李國博

湖上悠然度幾春勇拋榮祿遂天真青蒲翠竹圍華屋
白酒黃雞命里人果下有時乘小駟兒曹方見擁朱輪
田園歲入千鍾美肯似疏家苦畏貧

同謝師厚宿胥氏書齋聞鼠甚患之

燈青人已眠，饑鼠稍出穴。掀翻盤盂響，驚聒夢寐輟。唯
愁几硯撲，又恐架書齧。癡兒効猫鳴，此計誠已拙。

聞子美次道師厚登天清寺塔

二三君少壯，走上浮圖巔。何為苦思我，平步猶不前。苟
得從而登，兩股應已攣。復想下時險，喘汗頭目旋。不如
且安坐，休用窺雲煙。

謝師厚歸南陽効阮步兵

一日復一朝，一暮復一旦。與子相經過，少會不言散。我

心終未極歲月忽云晏嘶馬思長道孤鳥逐前伴駕言
慕儔侶懷抱若氷炭南臨白水湄風雪振高岸意恐慈
母念疾馳節已換解劍登北堂幼婦笑粲粲弊裘一以
縫征塵一以澣而我客大梁衣垢自悲歎

師厚明日歸南陽夜坐有懷

明朝子當去我若雲失龍龍歸雲未歸索莫將安從半
夜出戶望參畢已正中倏然變陰黑烈烈鳴窻風窻鳴
不得寐擁被一悲翁

永叔贈酒

天門多奇醞一斗市錢千貧食尚不足欲飲將何緣豈
能以口腹屈節事豪權閉戶飽於糞作詩湧如泉一日
復一夕醒日常不眠窮臘忽可怪雙壺故人傳呼兒欲
自酌瓦盞無完全其能饗甘脆而况侑天妍却令情懷
惡分與富貴偏收拾不復嘗排置屋角邊儻有嘉客至
傾倒相與顛何暇問濃薄但覺窻扉旋誰識我為我賓
主各頽然始得語且橫既醉論益堅曾不究世務閑氣

爭古先畢竟兩未決辨吻空流涎嗟我儒者飲聒耳無
管絃雖云暫歡適終久還愁煎自甘不偶死寧慕金印
懸願頻致此物勿恤瘡檐肩

得山雨

急雨射蒼壁濺林跳萬珠山根水壅壑漫竅若注壺

范殿丞通判秦州

天水出名馬多稱黃金羈正值羗已和邊草復離離乘
肥固未失所蘊不得施主人本燕客寧獨事書詩志尚

功名間管樂猶一時去去勿復道礪落為男兒

陳繹越州從事

母夫人老母兄黜夫人從爾之會稽恐傷爾心不敢泣
春岡細雨聞竹雞時亦藏淚未出臉奈何相與頭傾低
誠知就祿非獲已應欲退耕無舊畦

辛著作知西京永寧

躍馬西畿令家塋在洛陽衣霜寒食雨花發故宮墻冷
淡鳩鳴屋寬閒水滿塘送君悲漸老空憶釣伊魴

依韻和師厚別後寄

吾與爾別未及旬吾家依舊甌生塵閉門不出將誰親
自持介獨輕貨珍盤餐豈有醎酸辛苦吟輟寢昏繼晨
夜光忽怪來何頻採拾若在滄浪垠和者彌寡唯陽春
普淨院佛閣上孤鶻

我新稅居見寺閣金碧照我破屋前目看閣上聚鳩鵲
巢棲飲哺忘窮年雕簷畫壁屎污徧以及像塑頭與肩
寺僧不敢施彈射忽有蒼鶻張毒拳鷄鳴鵲噪鸚鵡叫

怒鵲來比窺腥羶鵲心決烈不畏衆臂碎一腦驚後先
死鳥墮空未及地返翅下取如風旋獨當屋脊恣撻磔
啄肉披肝腸棄捐老鴟無藝又狠怯盤飛欲近饑目穿
逡巡鵲飽自飛去爭殘不辨烏與鳶羣兒指點路人笑
我方吟憶秋江邊

蜂

春風無主撩亂時分羣養子各守脾爭掇花腴為蠟蜜
年年共割不我稽俄逢主人若過慮畏爾有蠶成噬臍

密將惡物毒爾族爾曾不得同醢雞王雖爾名爾何補
造甘為利乃自取

並遊

並出慙羸駕康衢懶著鞭蹇驢能勝馬擘道去如煙何
用嗟遲疾從來有後先所期皆一至我到爾應還

寄宣州可真上人

昭亭山色無纖塵昭亭潭水見游鱗長松碧篠入古寺
石上高僧度幾春

元夕同次道中道平叔如晦賦詩得閒字

金輿在閭闔簫吹滿人寰九陌行如畫千門夜不闌星
通河漢上珠亂里閭閭誰與聯輕騎宵長月正閒

正月十五夜出迴

不出只愁感出遊將自寬貴賤依儔匹心復殊不歡漸
老情易厭欲之意先闌却還見兒女不語鼻辛酸去年
與母出學母施朱丹今母歸下泉垢面衣少完念爾各
尚幼藏淚不忍看推燈向壁卧肺腑百憂攢

同次道游相國寺買得翠玉罌一枚

古寺老栢下叟貨翠玉罌獸足面以立爪腹肩而平虛
能一勺容色與藍水并我獨何為者忽見目以驚家無
半鍾畜不吝百金輕都人莫識寶白日雙眼盲

送惠懃上人

遽告我行何所之東南爾土爾自知山水佛事不暇說
去何速兮來何為公卿貴人見爾喜為爾買屋丐爾資
王城幸可樂歲月野鶴終是思陂池去去雲霞不容侶

却應來此如前時

聞賣韭黃蓼甲

百物凍未活初逢賣菜人乃知糞土暖能發萌芽春柔
美已先薦陽和非不均片根守天性憔悴澗之濱

董著作嘗為叅謀歸話西事

子說頗驍勇築城收漢疆提兵無百騎偷路執生羌大
將罪專輒舉軍皆感傷歸來出萬死羸馬亦摧藏

戲寄師厚生女

生男衆所喜生女衆所醜生男走四鄰生女各張口男
大守詩書女大逐雞狗何時某氏郎堂上拜媪叟

薛中舍宰聞喜

秦人宦于秦百事順耳目山川我已踈風物子所熟維
美行邁時親賓祖車轂空將離別心欲出無僮僕

聯句附

古木含清吹池上增曉涼余懷本達曠謝少卿聯此傲義

皇孤鷗可與狎絳幽岸足以觴幸有彭澤酒堯臣便同

永嘉堂潘生起為壽

維

王子齊陳章林端見新月

衍

草

際聞寒螢照水螢影亂

良臣

拂筵蓼花香徘徊戀嘉境

坐使歸興忘

少卿

希深洛中冬夕道話有懷善慧大士因探得江字

韻聯句

彼有上人者妙談心所降

希深

達空知不二觀行本無

雙聖俞

久阻飄花席因思響雪窗

希深

社中雖得遠方

外自非龐

聖俞

夢幻慙他劫風塵厭此邦

希深

終期親

道樹何必憶重江

聖俞

希深本約遊西溪信馬不覺行過據鞍聯句

有意訪西溪順途吟思迷及茲詢野老已恨過芳蹊

希

深醉客但多興幽禽空自啼無由駐金勒林表日光低

堯臣

同希深馬上口占送九舅入京成親聯句

之子洛中來芳樽喜暫開人誇阿連少吾愧士衡才

希

深丹闕鳳皇去清川鴻鴈迴都門春色美相送思悠哉

堯臣

玉麈尾寄傅尉越石聯句

齋中獨何物持之想見君惟茲玉麈尾信美而有文夫
子善談道亶亶詞如雲在握昔同色傾坐今離羣絳况
託懷袖好曾親蕙蘭薰常許助閑放於焉探典墳既乃
阻清燕復屈驅蠹蚊自殊白團扇未畏秋葉紛堯臣

風瑟聯句

竅竹漏天風張絃擬嶧桐佳名從此得妙響未曾窮希

深
夜靜危臺上人閑皎月中依依聽不足秋露滿蘭叢
聖俞

冬夕會飲聯句

與君數夜飲唯恐酒盞空今我苦欲淺堯臣語志難比

同陳編侑歡適

謝景初

間謔何魁雄婢子寒且倦

堯臣

主人哦不窮燈青屢結花

景初

煎響時鳴蟲穴鼠暗出

沒堯臣

風鴈高雍容冰霜覆瓦屋

景初

貂狐輸貴翁孤

床乏暖質

堯臣

苦語有淡工咀嚼患尙小

景初

煨炮驚

殼紅落蟾斜入竅

堯臣

遠漏微通風醉心欺睡鬼

景初

細書刺昏瞳呿呀聞爭犬哮吼厭啼驂撥火亂頰豆附

炙雙彎弓乾果硬迸齒

堯臣

寒齏酸滿胸枯蛤擘無肉

淡脯燒可饗語必造聖賢樂已過鼓鍾紙窻幸未曙

景

初絮被令旋絳凍痺兩股鐵跑抓雙鬢蓬脬尿既懶溺

視虱唯欲烘器皿足缺齧捧執無天穰兒女寒不寢

堯

臣僮僕困欲曹豈無貴富徒笑此饑寒蹤丈夫固有負

道義久已充墨子不黔突齒輩且得封勉哉梅夫子塞

者終自通

景初

問答

送九舅
席上作

金鑿落

希深問

留贈行人須滿酌銀餅況有宜城醪及取

春風花照灼

小屏風

問希深

座隔流塵素影融方牀六尺偃清晝慙無

玉枕名通中

玉蟾蜍

希深問

厠君筆硯誠有諸可愛亭亭寒月照瑩然

四座凝冰壺

金錯刀

問希深

連環交刃吹風毛美人贈我萬錢貴何必

翦犀誇孟勞

青雲梯

問希深

尺木為階行勿迷勤脩道業生羽翼天門

九襲須攀躋

鳳于飛

問希深

差差粹羽今逢時桐花正美香雪亂家庭

玉樹須來儀

宛陵集卷十一

欽定四庫全書薈要卷一萬四千四百五十二

集部

宛陵集卷十二

宋 梅堯臣 撰

擬李益竹牕聞風寄苗發司空曙

牕前風動竹聲碎
影仍繁衝扉忽自啓
出候初迎門驚
雀枝未定乳蜂窠
暫翻飄飄一舉袂
聊更遲來轅

擬宋之問春日翦綵花應制

上林花未有中禁綵先成
葉逐翦刀出
葉從粧粉生紅

繁內人手香染侍臣纓不是將春競天心重發榮

郡閣閱書投壺和呈相國晏公

較量人世無窮樂羅列平生未見書聊奉投壺祭征虜
休言擊劍馬相如畫樓晚去聞寒角縹帙看來落蠹魚
日獲誨言皆舊學不慙貧賤帶經鋤

梅花

江南臘月前溪上照水野梅多少株艷薄自將同鵲羽
粉寒曾不逐蜂鬚桃根有妹猶含凍杏樹為鄰尚帶枯

楚客且休吹玉笛清香飄盡更應無

擬張九齡詠鶯

耿耿雙來鶯長年與社違任從新歷改只向舊巢歸永
日當人語輕寒逆雨飛自親梁棟慣不識海鷗機

遲雪

風豪大澤晚雲覆女牆低鶯霰夜將集廣庭朝復迷鶯
鳴寒蔽日鴈泊凍生谿會待飄花密開軒意外題

欲雪復晴

陰雲不成雪碧瓦有繁霜日氣生簾額冰條結井牀飛
鳥鳴自樂古木晝仍彊誰意斗晴後苦寒勝北方

送蒙寺丞赴郢州

郢國當時唱猶傳白雪真問今非昔日和者幾何人客
自射飛鴈漁能供躍鱗芳洲墮馬處吾祖漢名臣

聞角

一聲催客夢星斗轉西簷風卷梅花去愁從柳塞添馬
鳴霜滿鬣龍泣凍生髯高樹朝光動城頭落海蟾

和人雪意

凍雲低垂野遠樹昏未分朝來庭竹上撼撼霰已聞扣
門有兵吏嘉命傳相君趨閣展熊席卷幔飄爐薰桂漿
貯榼美馬乳薦實黃賓屬兩三人從容奉評文遠稽先
儒言風賦可以羣密置筆與硯唯待雪雰雰雪既不可
待日暮人半醺明朝獲方楮健思欲凌雲

詠楊高品馬廐猢猻

嘗聞養騏驥辟惡繫獼猴供奉新教藝將軍舊病偷聊

看緣柱杪尚想傍崖頭更祝南州使如奉試為求

和欲雪二首

貂裘著不暖牙帳曉初開朔氣還先及流風亦屢催擬
聞人詠絮將見使傳梅公復憂民畝龍沙幾日來
雪欲漫天落雲初著地垂臂鷹過野健走馬上冰遲公
子多論酒騷人自詠詩都無少年意只卧竹牕宜

梅花

已先羣木得春色不與杏花為比紅薄薄遠香來澗谷

疎疎寒影近房櫳。全枝惡折憎鄰女。短笛橫吹怨楚童。
墜萼誰將呵在鬢。藥殘金粟上眉蟲。

和十一月八日圃人獻小桃花二絕

當時開向杏花後。今日綻當梅萼前。不畏雪霜何太甚。
繁英如火滿枝燃。

前占寒食一百六。算到其時未合開。丹艷已先灰管動。
不由人力與栽培。

和梅花

時時不甘春著力年年能占臘前芳水邊攀折此中女
馬上嗅尋何處郎山舍更清裁作援鳳樓偏巧學成粧
團枝密密都如雪野雀飛來翅合香

再送蒙寺丞赴郢州

彎弓落飛鳥少也向幽州來作漢官屬耻為戎國留身
輕拋馬轡地暖厭狐裘慣見顏如玉江邊問莫愁

擬王維觀獵

晏相公坐
中探賦

白草南山獵調弓發指鳴原邊黃犬去雲外阜鵬迎近

出長陵道還看小苑城聊從向來騎回望夕陽平

擬陶潛止酒

多病願止酒不止病不已止之懼無歡雖病未宜止且
欲止人事事止不經耳次誦止足言行當止田里田里
止誰親止樂山水美既止何所助唯酒與止喜以言止
不止未必止為是止酒儻不瘳枉止徒可耻止亦隨化
遷不止等亦死慎勿道止酒止酒乃君子

擬杜甫玉華宮

松深溪色古中有鼯鼠鳴廢殿不知年但與蒼崖平鬼
火出空屋未繼華燭明暗泉發虛竇似作哀絃鳴黃金
不變土玉質空令名當時從輿輦石馬埋棘荆獨來感
舊物煎懷如沸羹區區人世間誰免此虧盈

擬韋應物殘燈

照此寒夜中欲殘紅燼尾空堂滅復明獨宿擬山鬼

和十一月十二日與諸君登西園亭榭懷舊書事
冬日蕭條公府清獨將諸吏上高城而今何處異疇昔

鐵墓下聞狐夜鳴

又

莎徑依然見莎葉蓮塘無復有蓮花更看白水滿城下
說着當時龍骨車

和小雨

蛟龍溪白霧天外細濛濛霑土曾無跡昏林似有風卷
旗妨酒舍濕翅下洲鴻稍見斜陽透西雲一半紅

擬韓吏部射訓狐

黃昏月暗妖鳥鳴
龙然鈍質麤豪聲
憑凶自異立屋角
潛事紫吻欲我驚
豈知慣聞此醜狡
呼集鬼物夸陰獍
夕盜雞雛無畏避
曾遭彈射沉泥坑
汝今病翼未甚愈
還作舊態侵平明
陽烏瞳瞳出東海
照汝宜喪膽與精
何為世人苦憎汝
汝常盜物資已榮
儻有弓矢勿污辱
殺此非得去惡名
養雛四三已相似
眼腦實異鸞皇生
一朝車輪翅墮地
狐鼠入穴梟黨烹

得韓持國書報新作茅廬

聞君作茅廬正在西軒西定移舊蔬圃稍改新藥畦其
高如伯鸞况亦有隱妻今方漢德盛不必之會稽

和新晴

雲開日照戟衣寒淨掃平沙路已乾吏散庭除少公事
畦挑芽甲足春盤要聽林上鳴鳩變試步塘陰綠水寬
誰詠陳根有微綠烏蟾易失似跳丸

責躬詩

所稟介且拙嘗耻朋比為皎皎三十年半語曾未欺身

微德不著尚使人見疑省已當自責實負聖相知聖相
雖明察不假束蘊辭扣言已可罪引去豈非宜

嘗惠山泉

吳楚千萬山山泉莫知數其以甘味傳幾何若飴露大
禹書不載陸生品嘗著昔唯廬谷亞久與茶經附相襲
好事人砂餅和月注持叅萬錢鼎豈足調羹助彼哉一
勺微唐突為霖澍疏濃既不同物用誠有處空林癯面
僧安比侯王趣

糟淮鮑

寒潭縮淺瀨空潭多鮑魚網登肥且美糟清奉庖厨昔
聞漁父賢嘗勉楚人舖楚人懷沙死葬腹千歲餘今茲
有遺意敢共盃盤踈

和臘前

漢家戌日看看近雲景蒼茫已歲昏欲驗方書治百藥
預調飛走獵平原土人薰肉經春美宮女藏鉤舊戲存
獨把凍醪驚節物草芽微動見庭萱

題臘藥

尚書晏相公臘日投壺輸詩七首便以臘日所用物賦先成四首上呈

顏顏早覺衰乃藉藥扶持及此季冬日預脩來歲宜鼎
成無犬見蜜煉有蜂知借問月中兔長年何所為

臘酒

韋氏月錄云臘日造四月成

汲井輓轡鳴寒泉碧甕盛欲為三伏美方俟十旬清夢
憶黃公舍徒聞韋氏名熟時梅杏小獨飲効淵明

臘脯

畋獵得封獸割鮮為脍脩易甘非愛日不敗任經秋可

用資賓豆何妨鄙薦脯考之新月錄美脆勝庖牛

臘筍

南岡深竹養

去聲

下有鷓鴣鳴破臘初挑筍

呂氏春秋曰和之美竹越

之籬

誇新欲比瓊薦盤香更美案酒味偏清馬援當時

見曾將禹貢評

伏波至荔浦見冬筍上言禹貢厥包橘柚疑是謂也

和挑菜

十二月十二日

中圃本膏壤始覺氣候偏出土蓼甲紅近水芹芽鮮挑以寶環刀登之饌玉筵僻遠尚含凍安占春陽前造物

非有意地勢使之然

和臘日

獵鼓逢逢奏寒冰
齧齧消正憐風日暖不似雪霜朝
散問祠黃石休從擊
阜鵬楚郊梅萼未墮
麥已多苗

啄木二首

十二月十二日陪
步後園所聞見

城頭啄枯楊城下啄枯桑
朝啄不停味暮啄不充腸
寒風正冽冽蠹穴蟲且殭
况茲園林迫剥剥響何長
食蠹非嫌蠹聲來古木高
誰將琵琶弄寫入相思槽

語鵠

此以上三首補前
投壺所輸七首

客語南方鵠啄蛇掀巨石遂令山中人多竊禹步跡誰
云不可轉鳥啄猶能擲

和淮陽燕秀才

我官忝博士曾昧通經術前因辟書來亦不習文律循
舊臨學宮虎革被羊質倚席未能講占牘聊置日朴鈍
既若茲愧彼噉棗栗今者登俊賢充詔冠庭實邦伯乃
宗公惟帝舊良弼置醴餞以行行行季冬月騏驥入羈

駕千里終不蹶慙予延蔭人安得結子韉心雖羨名場
才命甘汨沒祿仕二十年屢邁龍榜揭在昔見麻衣于
今盡超越是以對盃觴謹嚴微敢忽寧唯畏後生自恨
踈節骨羞羞羅食案包核備時物里婦或窺觀戶下紅
裙出歸應願生男生男付紙筆乃信讀書榮况即服緼
韠長歌食草詩聲淡異鳴瑟

和石昌言求牡丹栽

昔年藥欄下已多香草名更移花本去聊助日邊榮莫

問西都品存吾舊友評會應色萼吐可與魏姚并帶土
歸金谷封根近玉京謫僊方醉詠不倚錦官城

歐陽永叔有花

品

和十二月十七日雪

窮冬勁臘已過半曉雪先春何處來豈是全資南畝麥
多應不分北枝梅庭中未許野童掃林上唯愁狂吹催
莫問兔園同賦客相如居右最為才

建溪新茗

南國溪陰暖先春發茗芽采從青竹籠蒸自白雲家粟
粒烹甌起龍文御餅加過茲安得比顧渚不須誇

送詹彥迪祕校之越

夙懷山水心夢寐向東越聞為會稽行獨此羨明發渡
江信春潮泊館食野蕨平時異梁鴻但泛鏡湖月

謝人惠茶

山色已驚溪上雷火前那及兩旗開采芽幾日始能就
碾月一罌初寄來以酪為奴名價重將雲比脚味甘迴

更勞誰致中濡水况復顏生不解杯

和立春

茲日何所喜所喜物向榮
縈縷作翠柳意先新陽生
塗金鏤為勝義不首時輕
增年已歎老斗酒聊自傾

和謝仲弓廷評新理北園

園吏乘冬和荷鋤去宿莽
主人因其勤築土截荒壤
移枯復穴缺剗徑就平廣
東北倚高城巖險不可上
愛彼林木深便為丘壑想
更待春風歸日探花卉長
但願多

置酒應得時一往

和謝仲弓廷評栽竹

移得溪邊翠來為庭下陰惜根存舊土帶筍助新林暗
換蕭蕭葉知虛寸寸心東風莫搖撼培壅未應深

和歲除日

一年三萬六千刻玉漏唯餘十二時去日苦多誰會惜
殘陰全少頗能知己驚顏貌徐徐改不奈烏蟾冉冉馳
萬國明朝賀新歲東風依舊入春旗

明井

在城東南

顯晦有難必孰云幽不明深井發寒泉光若月色盈陰
陽信奇變曷用究厥情譬彼出炎火投薪丹焰成吾人
勿驚異但自汲餅罌

楊公懿得潁人惠糟鮓分餉并遺楊叔恬

頭尾接清淮淮魚日登網吳純毛羹美楚糟增味爽云
誰得嘉貺曾靡獨為享乃知不忘義分遺及吾黨

和楊祕校得糟鮓

食魚何必食河魴自有詩人比興長
淮浦霜鱗更腴美
誰憐按酒敵庖羊

春雪

臘前望盈尺姦縮不應乞萬物及向榮而反事凝凜與
雨暗爭能不念傷彼茁雖然便消釋終是乖氣律新陽
豈憚沮暴柳未為屈隨風勢更巧著樹媚且密誰將背
時棄乃欲逞果必摧花自作花旋積旋已失上天施命
令冬春不相匹生物與死物其道安可壹嗚呼此飛雪

何為在今日

和謝公儀學士正月十七日雨後復雪

本祈春雨成春雪應悞小桃先次開
西漢校生誰復召南朝何遜自多才
潑除燈火上元去挫却勾萌六出來
前此解衣爭貰酒不知為瑞與為災

先是七日祈雨九日霽然至于今

伐桑

二月起蠶事伐桑人阻饑已傷持斧缺不作負薪非聊
給終朝食寧虞卒歲衣月光無隔礙直照破荆扉

夢登天壇

夜夢登天壇壇上兩僊人來時乘白鳳去時乘白麟我
問不我語颯颯山中雨

寒食日過荆山

山郵雖禁火嶺樹自生烟嗚咽同歸櫓悲哀欲問天泣
親非泣玉流淚劇流泉春鶯橫刀膾何心更食鮮
過口得雙鰕魚懷永叔

春風午橋上始迎歐陽公我僕跪雙鰕言得石瀨中持

歸奉慈媼欣詠殊未工是時四三友推尚以為雄于茲
十九載存沒復西東我今淮上去沙嶼逢釣翁因之獲
二尾其色與昔同錢將青絲繩羹芼春畦松公乎廣陵
來值我號蒼穹何為號蒼穹失怙哀無窮烹煎不暇餉
泣血語孤衷生平四海內有始鮮能終唯公一榮悴不
媿古人風

歲寒亭

種花邀青春種柏要晏歲乃知風露前已辨雪霜勢時

俗愛芳菲不妨鳴鷓鴣他年都門歸寧昧始終計

澄虛閣

筍圃隔囂紛閑來衣練裙檻邊生靜意水底見微雲斜
照迴晴景幽芳襲薄薰主人多賦詠不減沈休文

舟次泗上逢黃令因以詩送

向曉入汴尾隔河聞人聲得聲不得貌問識舊時名泊
舟忽來及袖詩多賢英言除丹徒宰暫作七閩行東南
幾千里日夕挂帆輕渡江純已老未足助杯羹最知便

道出先見縣人迎

依韻和許發運游泗州草堂寺之什

入寺豈緣齋阮公方詠懷心將超紫府手欲拍洪崖雲
霧波初淨塵埃鑑已揩但能傾玉醕不假列金釵遠客
歸空速千檣密自挨醒論時事正醉戴野巾喝風俗通
吳楚清渾見汴淮遙知香剎外獨與賞心諧

依韻和許發運真州東園新成

䟽鑿近東城蕭森萬物榮
美花移舊本黃鳥發新聲
曲

閣池傍起長橋柳外橫河渾遠波漲雨急斷虹明雲與
危臺接風當廣廈清朱髻看自躍翠栢種初生香草猶
能識山苗未得名南峰及西嶺常共酒盃平


宛陵集卷十二

謹案卷十第六頁後三行漢官其登丘按此句疑訛

卷十二第一頁後四行休言擊劍馬相如刊本擊訛繫據宋詩鈔改

第一頁後五行日獲誨言皆舊學按宋元詩會作日奉誨言猶未飽

第二頁前四行自親梁棟慣按宋元詩會梁棟作文杏



總校官庶吉士臣張能照

校對官庶吉士臣何思鈞

謄錄監生臣袁文宿

欽定四庫全書叢要

集部

宛陵集卷十

三至
六

詳校官助教臣常循



欽定四庫全書薈要卷一萬四千四百五十三

集部

宛陵集卷十三

宋 梅堯臣 撰

禁中瑞竹同本異莖

孤竹 二君子聖人知獨清但將奇節並何用首陽名

依韻和集英殿秋宴

殿幄陳金石宮梧集鳳凰侍臣嚴虎帳法袞被龍章九
穀初登稔羣黎共樂康宴盤犀作鎮舞綴錦成行玉椀

盛冰滑紗籠奏饌涼廡深容小語槐密漏微陽庭立衛
蕙霍坐尊蕭與張清塵汲瑤井泛宇藹天香獸躍緣撞
地旗開踏鞠場樓傳紅幘唱簾隱內家粧鴟攫曾無彈
蜂來悞有芳門傍銅鑄馬帝所翠為觴萬國趨王會諸
公佩水蒼螭頭左史筆陸楯半更郎雅著明時樂需言
盛德光添花慕平一賜菊異元嘗身已陪多士心寧媿
下鄉薄才何所補歌詠播殊疆

啼禽

盆繭未成絲破袴勸可脫安知增羞顏赤脰衣短褐

汴堤鶯

古堤多長榆落筴鵝眼小其下迅黃流其上鳴黃鳥安
知舟中人黑鬢日已少千里歸大梁玉笙聞竚窈終朝
不成曲幽響在林表莫羨沙路行金鞭馳裊裊

四月二十七日與王正仲飲

我來自楚君自吳相遇汎波銜舳艫時時舉酒共笑樂
莫問罍盎有與無醉憶曩同吾永叔倒冠落佩來西都

是時豪快不顧俗留守贈榼少尹俱高吟持去擁鼻學
雅關付唱纖腰姝山東腐儒漫側目洛下才子爭歸趨
自茲離散二十載不復更有一日娛如今舊友已無幾
歲晚得子欣為徒

四月二十八日記與王正仲及舍弟飲

孟夏景苦長與子舟中飲酒行三四巡病嘔聊就寢仲
氏又發霍洞下忽焉甚湯劑不能勝悶絕口已噤我嘔
雖未平驚走豈遑枕呌號使呼醫子已亦莫諗遽白何

至斯葛方推小品且尤食物間臃脰失調飪所餉惟猪
雞況此乏菌蕈以子獨無恙未必因滑瀋稍覺陽脉回
慄膚猶疹疹儻其遂不起孰肯謂素稟吾鄉千里遙幸
免成貝錦

紹巖上人寧親

爾教禁足不出戶盛夏畏蹈螻蟻蹤赤日去省已亡律
曷若冠帶共甘濃

送許州知錄王殿丞

霜花如鵲毛萬里點枯槁曉入蓬池道寒侵蘇合袍重
來社櫟長舊寄里門高去事黃丞相無辭執板勞

慈氏院假山

風濤春斷越山骨聚集奇險成千峯碧甕為潭立涎石
直疑巖底藏蛟龍

夜與鄰幾持國歸

紅塵夜不息橫衢若煙霧朝見車馬來暮見車馬去車
中目炯炯馬上情遽遽交相知是誰飛先無覓處

十月晦夢游嵩山明日訪宋中道見次道寄宿岳寺

忽夢嵩峰下同游失姓名山腰荒輦道巖竇落泉聲黑
石文難辨蒼苔蹟易成他時傳洛詠知是陸雲兄

十一月七日雪中聞宋中道與其內祥源觀燒香

三日不相見逢人問始知同車侵朔雪臨水拜靈龜絮
撲鴛鴦帶花團蛺蝶枝如何東郭叟足迹自穿綦

和江鄰幾詠雪二十韻

十一月將雪寒誰計有無雲橫凍鵬翼霰集泣蛟珠萬
里風為使千門玉作樞縞衣來自鄭濤鷺卷從吳積甲
聞熊耳觀鵝入越都庭槐高臃腫屋蓋素模糊騁巧能
藏醜論功解飾枯巢禽皆白鳳來獸必騶虞遼俗休誇
豕燕丹久望烏袒裘無壯臂附火念焦臚歌竹休王滿
餐毛活使蘓亡羊何可問別鶴不應孤靡密同脂網縈
回似舞姝漸深由片片取重本銖銖日月方收照乾坤

不辨隅雖輕自相壓更潔亦終渝饑虎僵幽谷游龍脫
勁鬚佳人調蜜蔗公子擁貂狐共是空囊客曾非暖席
儒黃昏特過我興與灞陵俱

送張遂州

華省名郎意若西相如橋柱舊曾題已將符節為邦守
不畏關山入馬蹄千里過秦看素漣三年還蜀度青泥
里門錦綬何為樂外奉嚴君內阿婆

送周寺丞宰新鄭

仲冬吉徂征曉月在環玦京水生層冰梅山見殘雪縣
庭槐已古堂壁碑未缺惟吾故交意贈子以為別

尹師魯有

志古
堂記

送余郎中知鄭州

西接都門纔百里壓城殘雪照牙旗風煙古是諸侯國
雁鶩新來僕射陂餽食且依當日具鑄刑無改昔人為
濃薰舊舍青綾被不越常衙睡足時

送胡都官知潮州

自昔揭陽郡刺史惟韓侯韓侯初來時問吏瀧水頭到
官諭鱷魚夜失風雨湫乃知抱正直異類尚聽謀潮雖
處南粵禮義無遐陬勿言古殊今唯在政教脩適聞豫
章士勇往登犀舟不畏惡溪惡疊鼓齊歌謳遠持天子
命水物當自囚更尋賢侯跡書上揭陽樓

送晏太祝之宣城監稅

每愛昭亭傍清灘石可數兩岸脩竹林孤城嚴晚鼓自
辨越人言難庾楚鄉語郭門春聚船江賈無多取

送張正臣赴泰州幕

敲冰冰未泮塞河流玉段輕舸莫言遲古城滄海畔春
臯蘭蕙茁晚井魚蝦亂時平無羽書此樂異王粲

月下懷裴如晦宋中道

九陌無人行寒月淨如水洗然天宇空玉井東南起我
馬臥我庭帖帖垂頸耳霜花滿黑鬣安欲致千里我僕
寢我廩相背肖兩已夜深忽驚魘呼若中流矢是時興
我懷顧影行月底唯影與月光舉止無猜毀吾交有裴

宋心意月影比尋常同語默肯問世俗子

願嚏

上辛祈穀
為獻官

猛虎不獨宿鴛鴦不雙棲虞舜遊蒼梧帝子夜向瀟湘
啼時既禪禹妃亦老老淚灑竹無高低流根及筍駁紅
蘚此情乃與天地齊我今齋寢泰壇下侘傺願嚏朱顏
妻

和司馬學士上辛祀事出郊寄馮學士

侵曉度南薰禁鐘猶可聞春郊微有霰上苑稍藏雲齋

館人相望官橋路已分寧同鳥鳥樂翔集自成羣

同蔡君謨江鄰幾觀宋中道書畫

君謨善書能別書宣獻家藏天下無宣獻既歿二子立
漆匣甲乙收盈厨鍾王真蹟尚可覩歐褚遺墨非因模
開元大厯名流夥一一手澤存有餘行草楷正大小異
點畫勁宛精神殊坐中鄰幾素近視最辨纖悉時驚吁
逡巡蔡侯得所得索硯鋪紙纔須臾一掃一幅太快健
檀溪躍過瘦的盧觀書已畢復觀畫數軸吳江種稻圖

稻苗秧秧水拍拍羣鷺矯翼人荷鋤陂塍高下石籠密
竹樹參倚荆籬疎大車立輪轉流急小犢欺顧稚子驅
令人頻有故鄉念春事況及蠶桑初虎頭將軍畫列女
二十餘子拖裙裾許穆夫人尤窈窕因誦載馳誠起余
余無書性無田區美人雖見身老癯舉頭事事不稱意
不如倒盡君酒壺

上元夜雪有感

去年昭亭陽今夜苦風雪及雪在京城宵燈亦將滅石

花廣袖輕梅蕊新粧潔忽忽競還家陌上亂車轍

上元雪

春雪如蝴蝶春燈如百花漫漫飛不已愁殺千萬家我
今無復夢擁被讀南華

送李才元學士知廣安軍

楊柳不堪折柔條時倚風朱輪過灞上杜宇響襄中危
棧憎春雨晴林發曉紅不須言蜀政當自學文翁

送王推官宰上洛先歸關中

跨馬獨歸日春風隨度關客裘將欲綻社燕亦同還洛
水源邊邑秦人隱處山君家有鳬鳥切莫向雲間

送信安張從事吉甫兼寄白使君

西洛故人少世家今亦稀憐君能及祿過我苦言歸游
宦長城下生涯舊國微使君應借問出處竟多違

送懷州張從事仲賓

行色在車馬西亭新雨過移家從上黨佐幙向三河皂
莢林初暗黃梁酒未和七賢無復有舊迹尚應多

宛陵集卷十三

欽定四庫全書會要卷一萬四千四百五十四

集部

宛陵集卷十四

宋 梅堯臣 撰

和李廷老家會飲

四序豈常停寒革春寢和始愛衣裘輕相與車馬過車
馬不畏遠風埃不畏多到門門有槐槐上時鳥歌時鳥
歌猶溢主人當謂何南開石榴軒中置飲酒羸食按施
黃金饌炙厭白鵝漢槽槎頭美吳羹成咄呵既醉或放

言挾莊引駘宅縱論或好辯排墨同孟軻日將薄虞淵
執策相交摩欲去舉大白酌我苦大苛

正月二十七日江鄰幾杜挺之劉原甫貢甫韓持
國邀飲於定力院

昨日會飲我後至誰欲比我為王戎笑知卿輩意易敗
起請便與俗物同似過黃公酒壚下嵇阮不見脩竹中
香爾山河隔千里此心正有古人風

送宋中道朝陵仍於西都省親

西出虎牢關南瞻園廟戟漢殿拜衣冠魏臺嚴帳帝春
風石闕冷曉氣田塗白早晚下朱陵先過洛陽陌

寄西京通判宋次道學士

當時交友都無幾欲問歡娛亦異今花接上林新木變
水分清洛舊池深嵯峨嵩色雲常在窈窕宮牆草又侵
脩竹千竿白家寺昔年題處可能尋

送晁殿丞鄭州簽判

朝離沁水上夕去野亭賒走馬日銜樹度河風卷沙關

雲來雨脚陂岸長蒲芽共被方為樂軍中莫慘澹

重送宋中道

隴草陳根發山櫻宿霧蒸將過周故宅先下漢諸陵
道春經雨官溝暗溜冰蕪羹休定價羊酪易為勝

送涇州良原何弼主簿

春風入邊磧二月沙草生胡馬自偷牧漢農寧廢耕
薄田刈晚穀又餉防秋兵縣版固當重調輕無與程

依韻和永叔見寄

春風約柳一片西欲托鳥翼傳音稽昨朝偶向東城去
草草又逢驄馬蹄長髯御史威正峭沙堤來坐氣吐霓
我乘小駟雖甚瘦喜見驂馭猶解嘶適聞南都接大尹
笑我出處今何迷耻趨捷徑身已老欲至何用頻吹簫
蛟龍失水等蚯蚓鱗角雖有辱在泥困居廢井誰引手
豈得更望青雲梯筆鋒勁發若強弩餘力曾徹七重屏
倦禽雄雌不飽腹日暮徒念還巢棲大椿朝菌各有盡
此物何怪莊叟齊誠知豪俠自快樂東郊南陌競鬪雞

胸中有道無廣狹包括宇宙在一稊何時與公去潁尾
湖水漫漫如玻璃世間會合固不易况乃仕宦多相睽
正如郵亭戀行者未到止息空歌驪我貧尚不給朝夕
馬得負郭置稻畦筋骸幸且稍輕健山水縱好無路躋
倘公他時買田宅願以藜杖從招攜吾兒詩書不足教
亦以助力於耕犁

東城送運判馬察院

春風騁巧如剪刀先裁楊柳後杏桃圓尖作瓣得疎密

顏色又染胭脂牢黃鸝未鳴鳩欲雨深園靜野聲嗷嗷
役徒開汴前日放亦將決水歸河槽都人傾望若焦渴
寒食已近溝已洶何當黃流與雨至雨深一尺水一篙
都水御史亦即喜日夜順疾回輕舸頻年吳楚歲苦旱
一稔未足生脂膏吾願取之勿求羨窮鳥困獸易遯逃
我今出城勤送子沽酒不惜典弊袍數途必向睢陽去
太傅大尹皆英豪試乞二公評我說萬分豈不益一毛
國給民蘇自有暇東園乃可資遊遨

送知和州杜駕部

桐花欲開時羣喙爭哺兒但求黃口飫焉問丹穴饑常
山有四鳥將飛昔已悲中間忽殞逝豈得安其枝一飲
必屢顧每啄必遲遲今朝竟矯翼去向江之湄銜芹不
自食欲遺孤與雌此義實已重莫為臬所嗤世俗多嫌
忌我胡為此詩此詩美孝悌持贈杜挺之

送劉郎中知廣德軍

昔在少年時辛勤事諸父諸父為桃州物宜皆可數事

君勤職貢采茗先穀雨劭農井田桑科薊重鋤斧城西
大靈祠措意初似禹將通吳境河身自同豕伍期婦來
餉時壇上必鳴鼓一為烏所誤愧恨去不覩至今存遺
堤五丈立堅土正如開轆轤黃熊慙啟姥功利欲及民
血食宜簋簠祠後有高山山頭攢棟宇此實諸父為禾
麻可就俯歲登有樂事或亦作歌舞賦詩當清明解襖
思洛浦其言在黑石往往被樂府于今三十年追想漸
成古公將乘朱輪去問民疾苦治術自有具薄言無所

補缺將陳迹書又且劇莽鹵

送洛南周寺丞

政家在
華山

將去洛南宰日聞庭下松亂山歸四隱舊墅隔三峰狹
谷車能入春林雨易逢地多椒與漆貨必厚於農

賦石昌言括蒼石屏

括蒼黃石屏樹如濃墨寫根深稱條葉生意絕瀟灑或
聞造物手立意先真假指是龜溲摹能同自然者天下
莫復言物亦逢知寡

寄致仕張郎中代人

門榮世美高天下身退心閒住洛陽
畫鶴能同薛少保
愛書還比蔡中郎
花陰小酌呼隣父
月下清吟掃石牀
不問從來生計薄
題籤盈閣是家藏

送錢駕部知邛州

細雨梅初熟輕寒麥已秋
路危趨劔道夢穩過刀州
秦粟非吳食已粳類越疇
當壚無復舊試似長卿求

文惠師贈新筍

劉累死龍不馴世間士不識真有真物實去人或在山
亦隱鱗或多孫出水濱奮雷轟轟萬里春厚土圻裂窮
蟄振牙甲戢戢不可數削掘誰怕天公嗔煮之按酒美
如玉甘脆入齒饒流津荆吳易得梁宋少二年不食思
無因豈意今朝忽有遺不忍獨饗呼吾鄰

宛陵集卷十四